

წმიდა ნინოს ხატ-სახეები ნიკოლოზ გულაბერისძის თხზულებებში

ნიკოლოზ გულაბერისძის „საკითხავში“ წმიდა ნინო მაცხოვრის ხატ-სახით წარმოდგება. სვეტიცხოვლის ტაძრის მშენებლობისას მეშვიდე სვეტის აღმართვა შეუძლებელი გახდა, მეფე და მისი თანმხლებნი შეწუხებულნი წავიდნენ. წმიდა ნინო და „ათორმეტნი მოწაფენი მისნი დედანი დაადგრეს სუეტსა მას-თანა ღამე ყოველ“ (გვ. 28). გამთენიისას, როდესაც ყველას ეძინა, მოხდა სასწაული, ზეციდან გადმოვიდა „ჭაბუკი ყოვლად ნათლითა შეკობილი, შემოსილი ცეცხლისა ზეწრითა“ (გვ. 29), წმიდა ნინოს სამი სიტყვა უთხრა და ჭაბუკმა აღმართა სვეტი ცხოველი. სიმბოლიკა გამჭვირვალე და ნათელია: მაცხოვარი და მისი თორმეტი მოწაფე წმიდა ნინოსა და მისი თორმეტი მოწაფე დედის (ქალის) წინასახეები არიან.

ყოვლადწმიდა ღვთისმშობლის ხატ-სახე მთლიანად მსჭვალავს წმიდა ნინოს სახეობრიობას. „მოქცევაჲ ქართლისაჲ“, ლეონტი მროველისა და არსენ ბერის თხზულებები მოგვითხრობენ წმიდა ნინოს ბავშვობის შესახებ, ცნობებს გვაწვდიან მის ოჯახს-ურ გარემოზე, აღზრდა-განათლებაზე, რომლის ამსახველი ეპიზოდები სიხლოვეს ამჟღავნებენ ყოვლადწმიდა ღვთისმშობლის ბავშვობასთან. ნიკოლოზ გულაბერისძე არ საუბრობს წმიდა ნინოს ბავშვობაზე, რადგან ეს მისი თხზულების მიზანდასახულობა არ არის. თხზულებაში წმიდა ნინოს დიდი ადგილი იმითაა განპირობებული, რომ მისი მოღვაწეობის ფონზე აღიპართა სვეტიცხოველი და მოხდა სვეტიცხოვლის სასწაულები. მან ის სასწაულები უნდა წარმოაჩინოს, რომლებიც უფლის კვართის, ცხოველი სვეტის, ჯვრისა და სვეტი ნათლისას მეშვეობით ზორციელდება.

წმიდა ნინოს მუდმივად ვხედავთ ქალებით გარემოცულს, რაც სიმბოლურადაა ასახსნელი, იგი მენელსაცხებლუ დედათა ხატ-სახით წარმოჩნდება. ქართლში ახლად შემოსული წმიდა ნინო მცნეთაში ექვს ქალთან ერთად მკვიდრდება, რაც რიცხვთა სიმბოლიკის ასახვის თვალსაზრისითაც იქცევა ყურადღებას. „საკითხავის“ ერთ-ერთ ეპიზოდში კი წმიდა ნინო 12 ქალთან ერთად ჩანს, რაც, აგრეთვე, საკრალურია.

ნიკოლოზ გულაბერიძის თხზულებაში წმიდა ნინო ერთდროულად შემოდის ორი სიმბოლოს სახით: „დედოფალი“ და „ტყვე“. სამეცნიერო ლიტერატურაში, კერძოდ, რ. სირაძის შრომებში აღნიშნულია, რომ წმიდა ნინოს სახეში ორი ანტინომიური ნიშან-თვისებაა შერწყმული, ესაა „დედოფალი“ და „ტყვე“, რომელთაგან წმიდა ნინოს დედოფლობა, ყოვლადწმიდა ღვთისმშობლის დედოფლობასთან ერთად, ქართულ ქალღვთაებათა არქეტიპულ სახეებთან არის დაკავშირებული. მაგ, დლიი, მკერული „ტყაში მათა“, რომელიც, თავის მხრივ, დალის სახესხვაობაა, პირიმზე და სხვანი, რომელთა ცალკეული თვისებები ჩანს წმიდა ნინოს სახეში და რომლის სახის მიღმა უნდა ვიგულოთ ზოგადქართული ღვთაება, ანდა წარმართული პანთეონის ქართლში გავრცელებული მისი სახე, რომელიც ყველაზე მთავარი კულტი იქნებოდა. მისი დესაკრალიზება ხდება წმიდა ნინოს მიერ².

წმიდა ნინოს დედოფლობა უშუალოდ უკავშირდება ყოვლადწმიდა ღვთისმშობლის დედოფლობას, რაც მრავალგზის აღინიშნება საღვთისმშობლო საკითხაგებსა და საგალობლებში, რომლის საფუძველი ფსალმუნთა წიგნის წინასწარმეტყველებაა: „დადგეს დედოფალი მარჯვენით შესა სამოსლითა ოქროქსოვილთა შექველ და შემოსილ“ (ფს. 44. 10). წმ. იოანე დამასკელი საღვთისმშობლო სახელთაგან უპირველესად დედოფალს განმარტავს საკითხავში „შობისათვის ღმრთისმშობლისა“: „გისაროდენ, დედოფალო, რომელმან დედად ყოველთა უფლისა წოდებითა დედოფლობად დაიმკედრე, რომლისათვის უკუეთუ ვინმე თქუას მონა შენდა ყოფად ყოვლისა დაბადებულისადა, არა განვარდეს იგი წესიერებისაგან მეტყუელებისა“³. ღვთისმშობლის დედოფლად მოხსენიება მის გენეალოგიურ შტოსთანაც უნდა იყოს დაკავშირებული, იგი დავითის ძისაგან აღმოცენებულად მიიჩნევა. წმიდა იოანე დამასკელი წერს: „მ, ასულო შეუნიერო და ტკბილო! მ, შრომანო შორის ეკალთა აღმოცენებულო აზნაურისა და სამეუფომსა მისგან ძირისა დავითისასა“⁴. წმიდა ანდრია კრიტიკელი ამბობს: „გისაროდენ, კურთხო აპრონისო, ძირო იესუსო, მორჩო დავითისო, შესამოსელო სამეუფოო“⁵.

ყოველივე ეს იმას მოასწავებს, რომ წმიდა ნინო, საქართველოში ღვთისაგან ღვთისმშობლის მონაცვლედ წარმოგზავნილი, აგრეთვე, დედოფალია, სულიერი დედოფალია ახლად მოქცეული საქართველოსი. საქართველოს სულიერი დედოფლობის პატივი წმიდა ნინოს ხვდა წილად საქართველოს სულიერი ცხოვრების მოსაწესრიგებლად. აგრეთვე, იგი არის დედა ყოველთა ქართველთა, რაც სიმბოლოურადაა გასააზრებელი, ვინაიდან წმიდა ნინო არის ქართველი ერის სულიერად მშობელი. ამ კონტექსტში თითქოს მოულოდნელია წმიდა ნინოს მოხსენიება ტყვედ და უცხოდ, რომლებიც ერთმანეთთან დაკავშირებული ებითებებია, ვინაიდან ტყვე იგივე უცხოობაში მყოფია, წარტაცებულია, სხვა ქვეყანაში მყოფია. გარდა იმისა, რომ წმიდა ნინო ქართველთათვის უცხო ქვეყნიდან მოსულია, — ეს არსებითი არ არის მისი ტყვეობისა და უცხოობის განსასაზღვრად, — მისი უცხოობა უფრო ღრმა და მისტიური ფაქტორითაა ასახსნელი. ცნობილი ფაქტია, რომ წმიდანის სათნოებათა წარმოჩენისას ჰაგიოგრაფები განსაკუთრებულ აქცენტს აკეთებენ სოფლიდან განდგომაზე, უცხოობის სურვილზე, ანუ მშობლიური გარემოდან გარესამყაროში გასვლის სურვილზე. ცხადია, იგი ვიანგელურ სწავლებას ეფუძნება,

რაც შემდგომ წმიდა გრიგოლ ნოსელმა წმინდანის საღმრთო მოქალაქობის ერთ-ერთ საყრდენად მიიჩნია.

აქ გასათვალისწინებელია უცხოობის არსობრივი მნიშვნელობა, ადამიანის „ყოვლისა გონებისათა უცხო-ყოფა“ (ფილ. 4. 7) განისაზღვრება მისი მიმართებით ზესთასოფლისა და სოფლისადმი. წმიდა ნინო მრავალმხრივია „უცხო“: უპირველეს ყოვლისა, იგი სხვა, უცხო ქვეყანაში მყოფია და უცხოა მანამ, სანამ საქართველოს ქრისტეს სჯულზე არ მოაქცევს; მთავარი კი ისაა, რომ, წმიდა გრიგოლ ნოსელის სწავლებით, იგი უცხო ექმნა „კორცთა ჩუენთა სიყუარულისა და წყალობისაგან, რათა არა ნებისაებრ კორცთადას ყოფითა თანამღებ იქმნას განსაცდელთა მათ კორციელთა“⁶; „კაცმან თავი თესი სრულიად ენებათაგან კორციელთა უცხო-ყოს“⁷, ვინაიდან ადამიანმა ისეთი საქმე და ისე უნდა აკეთოს, რომლის გამო სხვანი აქებდნენ; არა მხოლოდ საკუთარ თავს, სულს, სხვათაც არგოს. ამა სოფლის საცთური სულის განწმენდილი თვალით მოიხილოს და „უხეშთაეს საქმეთა მისთა იქმნას და ვითარცა მოციქული იტყვს: ყოველი კეთილი მისი სიმყარედ და უბადრუკებად შეპრაცხოს (შდრ.: ფილ. 3. 8) და უცხო-ყოს თავი თესი მისგან, მას არცა ერთი აქუს ზიარებაჲ კაცობრივთა მათ ბოროტთა თანა“⁸. უცხოება, მისტიური გაგებით, არის ანგელოზებრივი ბუნების ერთგულება და სორციელ გულისთქმნათაგან, ამითა გამო ზრუნვათაგან განთავისუფლება. უცხო, უცხოქმნული არის „მაღალსა რასმე სახედველსა აღსრული“⁹. წმიდა ნინო უცხოა იმიტომაც, რომ იგი, თვისთაგან გამოსული, პირველსახეობილებული, უცხოღქმნილი უნდა წარსდგეს უხუნაქის წინაშე. უცხო სხვად ყოფნა, ეს „სხვა“ წინარესაგან განსხვავებულობას მიანიშნებს და წმიდა ნინოში ქართლის სულიერ განმაახლებელს მოგვაზრებინებს.

ყოველივე ზემოთქმულიდან გამომდინარე, დედოფალი და ტყვე დედოფალი და უცხო ანტიონიური ბინარული ოპოზიციაა, რომელიც წმიდა ნინოს, ვითარცა წუთი-სოფლისაგან უცხოღქმნილის, სულიერების უკეთ წარმოჩენას ისახავს მიზნად. დედოფალი, ტყვე უცხო წმიდა ნინოს გამორჩეულობას აღნიშნავს, რაც წინასწარვე მოასწავებს მის იშვიათ, განსაკუთრებულ სულიერ მისიას.

წმიდა ნინო, როგორც მკურნალი, ღრმა სახისმეტყველებითაა დახასიათებული ნაწარმოებში. ნიკოლოზ გულაბერისძე მოკვითხრობს წმინდანის მძიმე განცდების შესახებ ქართველი ერის „ეშმაკთაგან წარტყუნეულობისა“ (გვ. 10) გამო, „ერს მას დაბნელებულსა ქართლისასა“ (გვ. 10) ღმერთად მიაჩნდა ორი ქანდაკება – ოქროს ჯაჭვმოსილი სპილენძის კაცი, ძვირფასი თვლებით (ზურმუხტი, ბიჯრიტი) შემკული და სრულიად ოქროსგან გამოქანდაკებული კაცი – გაც და გაიმ. წმიდა ნინო „ცრემლოდა“ ერის სულიერი სიბნელისა და წარწყმედის გამო და თავის უცხოებას იგლოვდა. იგი შერწუნებული აღევენდა თვალყურს სპილენძისაგან ჩამოსხმული ოქროში ჩასმული კერპების თაყვანისცემას სულიერებადაკარგული ერის მიერ.

„არამაზობის“ წარმართულ დღესასწაულზე კერპებისადმი თაყვანისმცემელი ხალხის ხილვით შერწუნებულმა წმიდა ნინომ უღმერთობაში ამხილა ქართველი ერი, ღმერთს შესთხოვა კრპათა მსხვერვა, უფლის მიმართ ლოცვა ადავლინა, რათა ქართველი ერი გამოიხსნას „ველთაგან განმრყუნელთასა“ (გვ. 11). ლოცვას დიდი ძალა აქვს, როდეს

საც ის ჭეშმარიტი რწმენით, წმინდა გულით, ღვთის სასოებითა და სიყვარულით წარმოითქმება. წმიდა ნინოს ლოცვამ საფუძველი ჩაუყარა ქართველთა განწმენდას. არმაზის მსხვერვის, არმაზული ეპოქის დასრულების წინ წმიდა ნინოს მიერ წარმოთქმული ლოცვა, მიმართული ლითონისგან ჩამოსხმული კერპების თაყვანისცემის წინააღმდეგ, ებრაელთათვის ცოდვათა მისატყვებლად მოსე წინასწარმეტყველის ლოცვას შეიძლება შევადაროთ (გამოსლ. 15. 1-19). ნიკოლოზ გულაბერისძის მიერ აღწერილი და გადმოცემული ეპიზოდი ქართველთა ურწმუნობისა, კერპთთაყვანისმცემლობისა დასტურია იმისა, რომ საქართველო, მისი დედაქალაქი მცხეთა დაცემულია, „ზნელსა შინა მყოფია“. წმიდა ნინოს ლოცვა კერპთა მსხვერვის წინ წინასწარვე მოასწავებს ქართველი ერის მომავალ სულიერ ფერისცვალებას. წმიდა ნინო წარმართულ კერპებს დაუბრისპირდა არა ძალით, ეს მას – ნაზსა და სათნო არსებას – არც შეეძლო, არამედ მსურვალე ლოცვით, რომლის შედეგითაც არმაზისა და ზადენის კერპთა მსხვერვა, გაცისა და გაიმის ქანდაკებათა მსხვერვა და მათ საბრისპიროდ ქართლში ჭეშმარიტი სარწმუნოების დამკვიდრების დასაწყისი. ლოცვა რწმენის გამოსატულებათა¹⁰, ამიტომ წმიდა ნინოს ლოცვას სულიერი კურნების ძალა აქვს. აღვნიშნავთ, რომ წმიდა ნინოს ლოცვა შესმენილ იქნა: „ისმინა უფალმან ვედრებისა ჩემისაჲ, უფალმან ლოცვაჲ ჩემი შეიწყნარა“ (ფს. 6. 9), რაც ფსალმუნური სიტყვებითა მოტივირებული. მან ხომ ვაზის ჯვარი („ჯუარი ნასსლევისა“) შეიმზადა, – თავისი თმებით შეკრა, – და შეუდგა საუფლო კვართის ადგილის ძიებას, ვინაიდან იერუსალიმიდანვე იცოდა, რომ იგი მცხეთას ინახებოდა. ნიკოლოზ გულაბერისძე საღმრთო განგებულებით საქართველოს გამორჩეულ ქვეყნად მიიჩნევს და საზნებურს უწოდებს¹¹. მიუხედავად ამისა, მაინც საჭიროდ მივიჩნით ტექსტის დამოწმება სხვა პრობლემის განსახილველად: „რამეთუ წინამსწარვე განეგო სახიერსა მას ამის სამეფოსა ერთად საზნებურად შემზადებაჲ და ვინამთგან ნაწილიცა იყო ყოვლად წმიდისა ღმრთისმშობლისა, ამისთვის უფროსლა ღირს იქმნა ამას საშინელსა მადლსა ესე კედარი, ამისთვისცა უკუე წინამსწარვე წარმოაფლინა მადლი ღმრთეებისა მისისაჲ, რადათა პირველადე დაიწინდოს კუართითა მით და მადლითა ღმრთეებისა მისისაჲთა“ (გვ. 14). მაცხოვრებელში ყოფნისას წმიდა ნინოს საღმრთო ჩვენებით მიენიშნა უფლის კვართის ადგილი, მაგრამ იმ ადგილზე ტაძრის აღმართვამდე საჭირო იყო ქრისტეს სჯულზე ნანა დედოფლისა და მირიან მეფის მოქცევა.

ნანა დედოფლის გაქრისტიანებასთან დაკავშირებით ყურადღებას იქცევს წმიდა ნინოს ლოცვის დრო და ადგილი, ე. ი. დედოფლის გაქრისტიანების ქრონოტოპს სიმბოლური მნიშვნელობა ენიჭება, სენის მძვინვარებისაგან იძულებულმა დედოფალმა თავისთან ახმობინა კაბადოკიელი უცხო ტყვე ქალი, რომელიც „მაყუალთა მათ შინა ილოცვდა ჟამსა მეექუსესა“, „ვითარცა აუწყეს ბრძანება დედოფლისა“ (გვ. 18); წმიდა ნინოს სიტყვისამებრ, დედოფალი მაცხოვრებელში მოპკვარეს, რასაც, აგრეთვე, სიმბოლური დატვირთვა აქვს. ქვეყნის დედოფალი მაცხოვრებელში უნდა განიკურნოს უფლის ნებით, ყოვლადწმიდა ღვთისმშობლის მეოხებითა და წმიდა ნინოს ლოცვით. მაცხოვრებელი ღვთისმშობლის ქრონოტოპული გააზრების საფუძველს იძლევა. ქვეყნის დედოფალი, ე.

ი. თავისი სტატუსით საქართველოს დედოფალი, სულიერი დედოფლის, ანუ ყოვლადწმიდა ღვთისმშობლის საფარველს ქვეშ უნდა მოექცეს აგრეთვე სულიერი დედოფლის წმიდა ნინოს მეშვეობით, ნანა დედოფალი სულიერი დედოფალიც უნდა გახდეს.

წმიდა ნინოს მიერ ქართველი ერის მოქცევა საფესურებრივად უნდა განხორციელდეს, იგი ერთბაშად ვერ მოხდება, რისთვისაც ავტორი მეტაფორულ გამომსახველობით საშუალებებს იყენებს: „გარნა ჯერეთცა არა ვიდრეცე ცხად-ჰყოფდა, ვინამთგან ვერ შემძლებელ იყვნეს საზრდელისა მტკიცისა მიღებასა, ვერცა თუ სძისა შემწყნარებელნი (შდრ.: ებრ. 5. 12) არამედ რეცა მიზეზითა წამალთამთა ჰკურნებდა და ესრეთ იქცეოდა ქალაქსა მას შინა სამ წელ“ (გვ. 12). უაღრესად მნიშვნელოვანია მტკიცე საზრდელისა და სძის სიმბოლიკა, რომლისთვისაც ქართველი ერი წმიდა ნინოს მოღვაწეობის დასაწყისში მზად არ აღმოჩნდა, რის გამოც წმიდა ნინო ისე იქცეოდა, თითქოს წაპლით მკურნალობდა სნეულთ. ქართველთა შორის ჯერ სულიერი სიჩვილვეც არ იყო და ამიტომ უხდებოდა ამგვარად მოქცევა სამი წლის განმავლობაში. სამი წელი გამოცდის პერიოდი, სიმბოლური რიცხვია, რაც ღმერთის სამპიროვნებაზე, სამგვამოვნებაზე მიუთითებს.

ქართველ ერს საბერძნეთიდან მოსული სასულიერო პირი იოანე ასწავლის ღმრთისმსახურებას, რადგან ერი ჯერ არ არის მზად იმისთვის, რომ თავად გაუძღვეს ამ წმიდა საქმეს, რადგან, ნიკოლოზ გულაბერისძის სიტყვით: „ხოლო იოანე რამთა დაადგრეს და არა დაუტყენეს ვითარცა ახალნერგნი და უსწავლელნი და საზრდელისა მტკიცისაგან ჯერეთ უცხონი და ჯერეთცა სძის მოქენენი“ (გვ. 38). აქაც მტკიცე საზრდელისა და სძის სიმბოლიკითაა მინიშნებული ქართველი ერის სულიერი სიჩვილე, რომელსაც სარწმუნოებით აღზრდა სჭირდება².

ნიკოლოზ გულაბერისძე კომპოზიციურად რთულ ნაწარმოებში საგანგებოდ ჩერდება მირიან მეფის მოქცევის დეტალებზე, ვინაიდან ესაა ერის მოქცევის უმნიშვნელოვანესი საფესური. ავტორი მიჰყვება წმიდა ნინოს „ცხოვრებათა“ ძველ ვერსიებს და გვიამბობს თხოთის მთაზე ნადირობისას მზის დაბნელების, სამყაროს დაბნელების ამბავს, რომელშიც ცენტრალური ადგილი მირიან მეფეს უჭირავს. აქაც ქრონოტოპის სიმბოლურობა იპყრობს ყურადღებას. მირიან მეფე თხემის ოდნავ სამხრეთით იმყოფებოდა, როდესაც ირგვლივ ჩამობნელდა; ევანგელური და საღვთისმეტყველო ლიტერატურის სწავლებით, სამხრეთი მზის ადგილია, ის ადგილია, საითკენაც მიისწრაფვის სინათლე, მზე, წამოსული აღმოსავლეთიდან. ამასთან, მირიანი იმყოფება მთაზე; მთა კი ის ადგილია, სადაც ღვთის მცნებები ეუწყა მოსე წინასწარმეტყველს, რათა ამცნოს იგი ხალხს, და სადაც ღვთივმოვლნილი სასწაულები ხდება. კერძოდ, მთაზე, სინას მთაზე მიიღო მოსე წინასწარმეტყველმა ღმერთისაგან ათი მცნება; მთაზე, თაბორის მთაზე იცვალა ფერი ქრისტე, ძე ღვთისამ თავისი სამი მოწაფის წინაშე და ჟვენა მათ ღვთაებრივი სახით. ყოველივე ეს მიუთითებს, რომ მთა საკრალური ადგილია, სადაც მისტიური ხილვით ღმერთთან მიახლება და წვდომა შეიძლება. ძველი და ახალი აღთქმის წიგნებში, კერძოდ, ფსალმუნში, დაისმის კითხვა, ვინ შეიძლება ავიდეს მთაზე: „უფალო, ვინ დაემნოს კარაგსა შენსა, ანუ ვინ დაემკვიდროს მთასა წმიდასა შენსა?“ (ფს. 14. 1); „ვინ ავიდეს

მთასა უფლისასა? ანუ ვინ დადგეს ადგილსა წმიდასა მისსა?“ (ფს. 23. 3), რომელთა პასუხებში იკვეთება ადამიანის სრულყოფილების, ზნეობრივი სისრულის აუცილებლობა: „უბრალოდ კელითა და წმიდად გულითა, რომელმან არა იღო ამაოებასა ზედა სული თვისი და არცა ეფუცა ზაყუთით მოყუასსა თვისსა. ამან მოიღოს კურთხევადა უფლისაგან და წყალობად ღმრთისაგან მაცხოვრისა მისისა“ (ფს. 23. 4-5). ფსალმუნთა განმმარტებლები (წმ. ბასილი დიდი, წმ. კირილე ალექსანდრიელი) აღნიშნავენ, რომ წმიდა მთა ზეციური ქალაქია, ზეციური იერუსალიმი¹²; სულიერი ამაღლება, ზნეობრივი სრულყოფა ადამიანისა მთას ასვლით გვირგვინდება, რაც მისი განღმრთობის საწინდარია.

მირიან მეფის თხოთის მთაზე, მის სამხრეთ კალთაზე ყოფნა უთუოდ მოასწავებს მის ფერისცვალებას. მირიანის აღიარება და თხოვნა წმიდა ნინოს ნაქადაგები ღმრთის წინაშე ნათელს გამოუბრწყინებს მას და ქრისტეს გზაზე დააყენებს. მეფის ფერისცვალება, მისი მოქცევა ხდება მეშიდე ყამს, ხოლო შვიდი ქრისტიანულ საღვთისმეტყველო ლიტერატურაში სრულყოფილების სიმბოლოა, რაც იმას ნიშნავს, რომ მირიანის გაქრისტიანებით საფუძველი მზადდება ქართველი ერის სულიერი სრულყოფისათვის¹⁴. არმაზული ეპოქა მთავრდება და ქრისტიანული იწყება!

ამიერიდან წმიდა ნინო და მირიან მეფე ერთად მოქმედებენ, ერთად აშენებენ უფლის კვართის ადგილზე ტაძარს, ეს ტაძარი სიონია, ე. ი. ღვთისმშობლის სამკვიდროა, და თორმეტი მოციქულის სახელობისაა. წმიდა ნინოს „ცხოვრების“ შატბერდული რედაქცია არ ასახელებს შვიდ სვეტს, მხოლოდ ერთია ნახსენები და სწორედ იგია ცხოველი სვეტი, ლიბანის ნაძვის ხისგან დამზადებული (იგივე კვიპაროსი). ლეონტი მროველი კი შვიდ სვეტს ასახელებს; ამ ტრადიციას აგრძელებს ნიკოლოზ გულაბერისძეც. უთუოდ საყურადღებოა მეშიდე სვეტის აღმართვის სასწაულებრივი ისტორია, რამაც უდიდესი მნიშვნელობა ეკისრება წმიდა ნინოს ლოცვას, ვინაიდან ადამიანის ხელმა ვერ შეძლო სვეტი ცხოველის აღმართვა; ეს ის მთავარი სვეტია, რომელიც ღვთის ნებით აღიმართა უფლის კვართის ადგილზე, სადაც იდგა ცხოველი ხე – ნაძვი ლიბანისა; სწორედ იგია მცველი ქართველთა და სრულიად საქართველოსი. მას სასწაულებრივი ძალა მიენიჭა. მირიან მეფემ წმიდა ნინოსთან ერთად განიზრახა სვეტი ცხოველისათვის „გარე საბურველის“ შექმნა, საბურძნეთიდან სასულიერო პირთა მოწვევა. ამიერიდან მირიან მეფე წმიდა ნინოს მოციქულის შესაფერ პატივს მიაგებს. თვით წმიდა ნინო მუდმივად ზრუნავს ქრისტიანობის განსამტკიცებლად. იგი მრავალ სასწაულს სწადის, რითაც ქართველი ერის ჭეშმარიტ სულიერ მკურნალად გვევლინება. წმიდა ნინო სულიერად მღვიმარება, მან მთელი მაყლოვანი უხილა, ზეციურ სამოთხედ გადააქცია, აქვე მაყლოვანთან ახლოს, აიგო სვეტი ცხოველის ტაძარი. სვეტი ცხოველისთვის „გარე საბურველის“ მშენებლობისას წმიდა ნინო კვლავ მაყლოვანშია და კვლავ ლოცულობს, ამჯერად სამადლობელ ლოცვას აღაჯღენს ღვთის წინაშე.

წმიდა ნინო ლოცულობდა ქართველი ერის სულიერი ხსნისათვის, მოყვასის შეწვევისათვის, კერპთა დასამხვრევად, სვეტიცხოველის – მთავარი სვეტის აღსამართავად, ეკლესიის ასაგებად უფლის კვართის ადგილზე, რაც შესძენილ იქნა.

წმიდა ნინო ზედმიწევნით მისდევს ფსალმუნურ სწავლებათა აღსრულებას, რომლებიც შემდგომ საფუძვლად დაედვა ცხრა ნეტარების დებულებებს. ნიკოლოზ გულა-

ბერისძის „საკითხავის“ მიხედვით, წმიდა ნინო სულით გლახაკია, მშვიდია, რის გამოც იგი ცათა სასუფეველს იმკვიდრებს; გულით მგლოვიარეა და მხოლოდ ქართველი ერის სულიერების ხსნისათვის ზრუნავს; სიძარტლისათვის მშოერ-მწყურვალი და მშვიდობის-მოთხოვლია, რომელსაც განამტკიცებს ღვთის რწმენა, სასოება და სიყვარული. წმიდა ნინო მოწყალე ბუნებით გამორჩეულია, გულით წმიდაა, რის შედეგადაც მისი ღმრთისმხილველობა.

წმიდა ნინოს მოქმედება მთლიანად ქრისტიანულ სათნოებებს ეყარება: სიყვარულს, სულგრძელობას, სიტკბოებას, სახიერებას, მყუდროებას, მოთმინებას, სიძაბლეს, მოწყალეობას, უმანკოებას, სიმშვიდეს, მარხვას, რწმენას, სასოებას. იგი ცდილობს ცოდვილთა მოქცევას, უმეცართა სწავლებას, მწუხარეთა ნუგეშისცემას, შემცოდეთა (თანანადებთა) მიტევებას, მოყვასთა საცხოვნებლად ღმერთის წინაშე ვედრებას.

ნიკოლოზ გულაბერისძის „საკითხავში“ წმიდა ნინოსთან ერთად მირიან მეფისა და ნანა დედოფლის სახე-ხატები იქცევენ ყურადღებას, მათი წარმოჩენა ცალკე კვლევის საგანია.

აქვე საჭიროდ მივიჩნევთ საგალობლებზე საუბარს, ვინაიდან „საკითხავი“ და „გალობანი“ ერთი ავტორის შექმნილია და ერთი მიზანდასახულობა აქვთ.

წმიდა ნინოს სახე ნიკოლოზ გულაბერისძის საგალობლებში საღვთისმეტყველო კონტექსტებითა და სახისმეტყველებითაა წარმოსახული. უნდა აღინიშნოს, რომ საგალობელი წმინდანის ცხოვრებას არ გადმოგვცემს, იგი წმინდანის ქებაა, შესხმაა, რომელშიც წმინდანის ძირითადი თვისებები განზოგადებულად აისახება, წმინდანის სათნოებები წარმოჩნდება, წმინდანის ღვაწლის შეფასება გადმოიცემა, მისი ღვაწლი კი განღმრთობით სრულდება. წმინდანი ხშირად შედარებულია ბიბლიურ პერსონალებთან, რომლებიც მუდმივ ზნეობრივ მაგალითად, ზნეობრივ გზამკვლევად გვევლინებიან საზოგადოდ კაცობრიობის ისტორიაში.

ნიკოლოზ გულაბერისძის საგალობლებში წმიდა ნინოს წინასახეებად მიჩნეულნი არიან ყოვლადწმიდა ღვთისმშობელი, ძუელი დიდი მოსე, წმიდა ანდრია პირველწოდებული. მოსე წინასწარმეტყველთან წმიდა ნინოს შედარება იმის ნიშანია, რომ იგი ქართველთა სულიერი წინამძღოლია, რომელმაც ერი კვლავ აზიარა ჭეშმარიტ სარწმუნოებას, რის გამოც იგი ეროვნულ წმინდანად იქცა. ამიტომ არის იგი „ღვდად ქართველთა თემისად, არმაზის მესხის დამტყუელი“, „სანატრელი დედა“, „ქართლის მაცხოვარი“, „მოციქულთა სიქადული და დედათა დიდება“, „რომელმან მესდატყუილ ჰყვენ ბომონნი და ბაგინნი და წარპრღუნენ ყოველნი საკურებელნი მათნი და გამოგებრწყინვე ჩუენ ნათელი ღმრთეებისად ბნელისა უმეცრეებასა მსხდომარეთა“ (გვ. 72); წმიდა ნინო ის სანატრელი დედაა, „რომელსა ქრისტემან ღმერთმან მიანიჭა მოციქულებად და ღირსიქმნა უხილავისა სუეტისა ამიდლებასა საკურველსა და კუალად შთამოსლვასა“ (გვ. 74). საგალობლის ეს სიტყვები, ცხადია, პაგიოგრაფიულ მონათხრობს ეყარება.

ნიკოლოზ გულაბერისძე საგალობლებში წმიდა ნინოს წმიდა ანდრია მოციქულთან ერთად მოიხსენიებს და ორივეს ერთად მოიაზრებს, ვითარცა ქართველთა განმანათლებლებს: „ვითარცა ორთა ქადაგათა სახეთა მდინარისათა დიდმან ანდრეა და ღირსმან ნინო წარპრღუნეს ყოველი სისხენუმც კერპათა ქართველთა თემისა. ვერე სახედ ესე

ორნი მდინარენი წარჰრღუნიან ყოველსა სიბილწესა და კეთილსა ნაყოფსა რწყევრ დაუცხრომლად“ (გვ. 68). ეს კი იმას ადასტურებს, რომ ნიკოლოზ გულაბერისძე ქართველთა განმანათლებლებზე – წმიდა ანდრია მოციქულსა და წმიდა ნინოზე ყურადღების გამახვილებით ერთდროულად აღნიშნავს ქართველი ერის რჩეულობის რამდენიმე ნიშანს: 1. საქართველოს სვედა პატივი უფლის კვართის მის მთავარ ტაძარში სვეტის ადგილას დავანებისა; 2. საქართველოს ეკლესია სამოციქულოა, აქ იქადაგა წმიდა ანდრია მოციქულმა; 3. საქართველო ღვთისმშობლის წილსვედრია და, აქედან გამომდინარე, მას სულიერ მემკვიდრედ ჰყავდა ქალი, წმიდა ნინო. ღვთაებრივი ნათლის სვეტის ჩამოშვებით გამოჩნდა უფლის კვართის დაფლვის ადგილი, რომელიც წმიდა ნინოს მოსვლამდე უზინარი, უცნობი იყო, მხოლოდ ქრისტიანობის გავრცელების შემდეგ იქნა მიკვლეული უფლის მინიშებით წმიდა და საკრალური ადგილი უფლის კვართის ღვთის სახლის ასაგებად.

საქართველოში, მცხეთაში უფლის კვართის დაფლვამ მცხეთა მეორე იერუსალიმად, „ახალ იერუსალიმად“, ზეციურ, სულიერ ქალაქად გარდასახა¹. საქართველოში უფლის კვართის ჩამოტანამდე, წმიდა ანდრია პირველწოდებულისა და შემდეგ წმიდა ნინოს მოსვლამდე, ქართველი ერი „ბნელსა შინა ჯდა“, საქართველო იმყოფებოდა ბარბაროზთა და წარმართთა ხელთ, რის გამოც ნიკოლოზ გულაბერისძემ, ზემოთაც მივუთითეთ, „გალობანში“ მცხეთას „ოდესმე მგლოვიარე ქალაქი“ უწოდა. საგალობელთა მიხედვით, საქართველოს ცხოვრება ორ ისტორიულ დროშია გამოვლენილი: ქრისტიანობამდე და ქრისტიანობის შემდეგ. ლიტურგიკულ ღვთისმსახურებაში მცხეთის „ოდესმე მგლოვიარობის“ აღნიშვნა იმის ნიშანია, რომ საღვთო გზაზე შემდგარ ქვეყანას, მის ხალხს განდმრთობის საშუალება ეძლევა. ამიტომ უწოდა მას „ერი საზეპურო“.

ნიკოლოზ გულაბერისძის „საკითხავსა“ და საგალობლებში წამოჭრილია ქართველი ერის „საზეპუროდ“ მიჩნევის პრობლემა, რაც მესიანურ იდეას უკავშირდება. წმიდა ნინოს სახის წარმოჩენა, ქალის მიერ ქართველთა მოქცევაზე, განმანათლებლობაზე ყურადღების გამახვილება, ქართული ეროვნული სულის დამკვიდრება ეპოქის მოთხოვნებით იყო ნაქარნახევი. ღვთისმშობლის წილსვედომილობასა და მის მონაცვლედ წმიდა ნინოს საქართველოში განმანათლებლად წარმოგზავნისათვის განსაკუთრებული მნიშვნელობის მინიჭება ნიკოლოზ გულაბერისძის მიერ თამარის მეფობის აპოლოგიით იყო განპირობებული, ე. ი. იდეოლოგიური ფუნქციით იყო განსაზღვრული.

ლიტერატურა

1 ციტატები ნიკოლოზ გულაბერისძის თხზულებებიდან ტექსტშივე აქაც და შემდეგშიც მითითებულია შემდეგი გამოცემის მიხედვით: ნიკოლოზ გულაბერისძე, თხზულებანი, ტექსტი გამოსაცემად მოამზადა, გამოკვლევა, ლექსიკონი და საძიებლები დაურთო ნესტან სულაგამ, მცხეთა, 2007.

2 რ. სირაძე, „წმინდა ნინოს ცხოვრება“ და .დასაწყისი ქართული აგიოგრაფიისა, თბ., 1997, გვ. 103.

3. ძველი მეტაფრასული კრებულები, ტექსტი გამოსაცემად მოამზადა ნარგიზა გოგუაძემ, თბ., 1986, გვ. 108.
4. იქვე, გვ. 119.
5. იქვე, გვ. 146.
6. წმიდა გრიგოლ ნოსელის „ქალწულებისათვის“, ტექსტი გამოსაცემად მოამზადა დეკანოზმა გიორგი ზვიადაძემ. იხ. მისი ამავე სახელწოდების საკანდიდატო დისერტაციის დანართი, თბ., 2004, გვ. 26.
7. იქვე, გვ. 9.
8. იქვე, გვ. 17.
9. იქვე, გვ. 19.
10. ნ. სულავა, ლოცვა ავთანდილისა, ლიტურგურული ძიებანი, XX, თბ., 1999, გვ. 202-206.
11. „საზეპურო ერის“ შესახებ ნ. სულავა, ტერმინის „ერი საზეპუროს“ ინტერპრეტაციისათვის, „ლიტურატურა და ზელოვნება“, 2004, №1, გვ. 18-34.
12. ამ სიმბოლიკით წარმოაჩინა წმ. ეფრემ მცირემ წმიდა ეფთვიმე ათონელის მთარგმნელობითი საქმიანობის ხასიათი.
13. ფსალმუნთა განმარტება, I, გამოსაცემად მოამზადა ნინო დობოჯუჯინიძემ, თბ., 1996.
14. ნ. სულავა, განგების რუსთველური კონცეფცია, კრ.: შოთა რუსთველი, I, სამეცნიერო შრომების კრებული, თბ., 2000, გვ. 222-223.
15. კ. კეკელიძე, ქართული ეკლესიის იერუსალიმური წარმოშობისათვის, – ეტიუდები ძველი ქართული ლიტურატურის ისტორიიდან, IV, თბ., 1957, გვ. 361-363.